




NEWSLETTER

IMPROVING LIVES THROUGH WATER

SEPTEMBER 2020



DIKATENG TŠA LENGWALO DIKGANG LA KGWEDI YE (LEWEDI)

- **Molaetša go tšwa go Molaodi Mogolo**
- **Thuto**
- **Bokgoni le kgodišo ya kgwebo**
- **Phihlelelo ya inthanete ya thekofase**

MATSENO

Meetse ke tšhušumetšo ya tlhabologo ya Boiphedišo le Ikonomi. Maikemišetšo a Mokgatlo wa Bašomiši ba Meetse Wa Lebalelo (re tla o bitša fela Mokgatlo), bjalo ka mokgatlo wa bašomiši ba meetse wo o ikgethilego, ke "go kaonafatša maphelo ka meetse".

Ponelopele ya Mokgatlo ke go ba "mošomammogo yo a itšeng le yo a kgethegilego taalong ya meetse". Leano la Mokgatlo le tšea phihlelelo ya magato a mararo.

Phihlelelo ye ga se fela ya go fetola Mokgatlo, empa e akaretša le tšhomiso ya meetse le tšhušumetšo ya tlhabollo ya Boiphedišo le Ikonomi mo Mokgatlo o šomago gona.

CORPORATE OFFICE
8 Charbury Road, Lynnwood Manor
Pretoria, 0081
Tel: +27 12 348 4654 | Fax: +27 12 365 2253

OPERATIONS OFFICE
P.O. Box 2075
Polokwane, 0700
Tel: +27 13 216 8000 | Fax: +27 13 216 8003

MOLAETŠA GO TŠWA GO MOLAODI MOGOLO

Ka Lengwalo-dikgang la Phato ke ile ka tshephiša go fa bašomišani mmogo tshedimošo mabapi le tšwetšopele ya lenaeo la CoVID-19 la go aba meetse go mebušo ya selegae ya Fetakgomo, Tubatse le Makhuduthamaga. Go ya ka lenaneo le la CoVID-19, kwano e bilego gona magareng ga Mokgatlo, Masepala wa Sekhukhune le Kgoro ya Meetse le Kelelatšhila, e eme ka tsela ye:

- Go thekga Masepala wa Sedika sa Sekhukhune ka go aba meetse metsaneng ye e hlorišwago ke tlhokego ya meetse mebušo semagaeng ya Fetakgomo Tubatse le Makhuduthamaga, go tloga ka la 16 Moranang 2020 (mathomo) go fihla ka la 30 Lewedi 2020 (pheletšo).
- Go epa dipetse metsaneng e 15 ye e kgethilwego ke Mokgatlo le Masepala wa Sedika sa Sekhukhune ka pušoselegaeng ya Fetakgomo Tubatse. Se ke go ya ka kwano ya CoVID-19 ye e swanetšego go diragatšwa e fetšwe go ya ka lenaneo le le kwanetšwego.

Mokgatlo wa Lebalelo o tsebiša bašomišana mmogo ka moka go re kwano ya go thuša Masepala wa Sedika wa Sekhukhune ka kabo ya meetse e fela ka la 30 Lewedi 2020. Se se ra gore dilori tša meetse tše di bego di adimilwe Masepala gore o tlatše ditanka tša meetse tša mphiwa-feela di tla gogelwa morago go tloga ka la 30 Lewedi 2020. Masepala wa Sedika wa Sekhukhune, bjale ka Lekgotla Taolo la Meetse la maikarabelo a kabo ya meetse karolong ya lona, o tla tšwela pele ka go abela metsana ye e hweditšego ditanka tša mphiwafeela, meetse.

Mokgatlo o sa ikemišeditše go thuša Mmušo go fihlelala lenaneo la wona la kabo ya ditirelo, e lego taelo ya wona. Le ge kwano ye e fihlile mafelelong, le dilori tša meetse tše di bego di adimilwe Masepala di gogetšwe morago, dikgoro tša Mokgatlo di sa bulegetše dipoledišano le Masepala wa Sedika sa Sekhukhune mabapi le ditsela tše mafapa a a mabedi a ka šomago mmogo, le gore lefapha le lengwe le lelengwe le hlomphe taelo ya lona. Se se tla immola bothata bja tlhokego ya meetse a go nwa metsaneng ya kgauswi le meepong, go hlatlamana le phaephe ya Mokgatlo wa Lebalelo ya meetse a go se hlatswiwe.

BERTUS BIERMAN

Chief Executive Officer
Lebalelo Water User Association

THUTO

Ga go se se hlohloetšago go ithuta go feta boemo bjo bo dumelelago thuto ya go hloka dikgoreletši, moo baithuti ba ngwathelanago tsebo. Mokgatlo wa Lebalelo o tsenya tirišong diprojeke tše tharo go thuša ka lefapheng la thuto e potlana metsaneng ye e šomago go yona. Diprojeke tše di akaretša go hlongwa ga Projekte ya Tlhabollo ya Bomapimpana (Early Childhood Development), Tsebo le Dipalo, le Lesolo la go bala.



Projekte ya Kgolo ya Bomapimpana –Mokgatlo o šomišana le Lefapha la Thuto La Limpopo sedikong sa Bohlabela sa Sekhukhune go hlama moswananoši wa mphato wa R ka Sedikong sa Malokela. Mokgatlo o fana ka moago wa mphato mola Sediko sa Thuto sa Bohlabela bja Sekhukhune sona se neelana ka malebiši a ditshwanelo go ya ka molao wo o bušago meago ya thuto ya

bomapimpana. Maikaelelo a mphato wo wa moswananoši ke go re e be lefelo la go kaonafatša bokgoni bja barutiši ba bomapimpana.

Projeke ya Tsebo le Dipalo - Mmušo o hlohleletša thuto ya kgokagano ya go akaretša bana ka moka ka mphatong, kudu ge go etla tabeng ya tsebo le dipalo. Dinyakišio di utullotše go re thuto ka mokgwa wa tirišo ya matlapa a mašweu a kgokaganyo (interactive whiteboards) e kgona go kaonafatša go ruta, e kaonafatše bokgoni bja barutiši gomme e be le tšhušumetšo e kgolo thutong ya bana. Letlapa le lešweu la kgokaganyo le kgokaganywa le khomphuta le projekta. Mokgatlo o thomile go aba mphiwafeela wa matlapa a kgokagano dikolong tše dipotlana mo e šomago gona go tloga ka 2017. Go fihla lehono dikolo tše tharo ka Malokela di amogeditšwe matlapa a kgokaganyo. Dikolo tše dipotlana tše go bolelwang ka tšona ke Shai, Kwata le Letoloane

Lesolo la bala – Go bala ke motheo wa tsebo wa go tia go aga bokgoni bjo bo hlolago kgonego ya menyetla ya mešomo e mekaone. Ka 2015 Mmušo o hlomile lesolo le le bitšwago Read to Lead Campaign (Bala gore o ete pele). Maikemišetšo a lesolo le e be e le go re barutwana ka moka ba kgone go bala go ya ka mengwaga ya bona ya thuto. Mokgatlo wa Lebalelo o ikgokagantše le mokgatlo wa go bitšwa Nal'ibali go tšweleletša lesolo le mo o šomago gona. Lesolo le le ikemišeditše go fihlelela dilo tše nne tše di thekgago kgolo ya bana ya tsebo. Lesolo le nyaka go fahloša bana gore go bala ka go rata go bohlokwa dithutong e bile go a tsefa. Lesolo le nyaka gape go kgetha le go hlabolla baetapele ba ka moso bao e lego gore ba tla ngwathelana le babangwe tše ba di badileng, ba ba hlohloetsa gomme ba ba mehlala setšhabeng. Sa mafelelo, lesolo le le fa bana dipuku tša maemo a godimo ka leleme la ka gae.

BOKGONI LE TLHABOLLO YA KGWEBO

Go ya ka ditekanyetšo tša dipalopalo tša Afrika Borwa tša 2019, tee-tharong ya badudi ba Afrika Borwa ke baswa (ba mengwaga ya magareng ga 18 le 34). Baswa ba bantšhi ba Afrika Borwa ba lebanwe ke tlhokego ya mešomo, e lego ya godimo go fetiša lefaseng ka moka ka phesente ya 58. Baswa ba mengwaga ya gare ga 15 le 24 ga ba šome, ga ba sekolong goba boikwetlišong. Mabaka a mabedi a magolo a tlhokego ya mešomo go baswa ke go se be le thuto e botse ya maemo a godimo ga mmogo le thuto yeo e hlokwago mešomong.

Leano la Lekgotla la Lebalelo la Boiphedišo le Ekonomi ke go hlohleletša batho, kudu baswa, go fihlelela bokgoni bjo maleba bjo bo tsomegago mešomong, le ba kgontšhe le go raloka karolo moruong wa ekonomi gore ba kgone go kaonafatša maphelo a bona le go tsenya letsogo tlhabollong ya moruo wa setšhaba.

Lekgotla le diragatša Lenaneo la Tlhabollo ya Moruo la Baswa leo maikemišetšo a lona e lego go hlabolla borakgwebopotlana, mola e bile le neelana ka boikwetlišo bjo bo feleletšego, bo akaretšago tsebo ya tša ditšhelete le maitokišetšo a mošomo. Gabotsebotse lenaneo le le tlo sedimoša baithuti gore ba atlege ka go dira tše latelago:

- Mongwe le mongwe a ithute go phedišana le ba bangwe le go ba leloko la bohlokwa la setšhaba;
- baithuti ba kwešiše taolo ya nako, maitshwaro a kgwebo , peakanyo ya kgwebo le tlhokomelo ya



yon;

- ba ithute go kwešiša dinyakišo tša mebaraka, peakanyo ya mešomo le taolo;
- ba tšee taolo ya ditšhelete tša bona, go bapatša le go ipapatša;
- ba rarolle mathata ka botshephegi le bohlale mola ba tše diphto tše nepagetšego ka mabaka a go kwala le ge go le boima.

PHIHELELO YA INTERNET YA THEKO YA FASE

Malapa a ka bago tekano ya diphesente tše tharo ka Masepaleng wa Legae wa Fetakgom a amogela tlhaeletšano ka protepente ya go tseparela, e lego tselayona ya tlhaeletšano. Diphesente tše masome senyane šupa tša malapa di šomiša didatha, e lego yona tsela feela ya go fihlelela inthanete. Diphesente tše tharo tšela di lefa R500 ka kgwedi go fihlelela inthanete ye e bulegilego mola ba šomiša dikikapaete tše

500 mo kgwedding. Diphesente tše masome senyane šupa tša go šala di reka didatha tša theko ya godimo. Batho ba go hloka ba lefa tekano ya R330 ka kgwedi mola ba šomiša dikikapaete tše tharo feela. Taba ya go re diphesente tše masomesenyane tša badudi ba go hloka ba lefela didatha ga lekgolo go feta ba ba nago le sa bona e laetša tlhokego ya tekatekano e kgolo ya theko ya didatha.

Why invest in affordable Internet Access?

- On-line access to:
1. Jobs and work
 2. Education
 3. Social inclusion
 4. Entertainment



Mokgatlo wa Lebalelo o lemoga gore theknolotši ya tshedimošo le tlhaeletšano di thuša ditšhaba, mebušo le mafapha a dikgwebo. Phihelelo ya inthanete e bula mejako ya tlhabologo ka go hlola ditsela tše mphsa tša tlhaeletšano le ditirelo le go godiša ditirelo le dikutullo tša mphsafatšo.

Go aba inthanete ya theko ya fase Mokgatlo o nyaka go dira tše latelago:

- Go tsošološa le go kaonafatša ekonomi ya legae ka go aba tlhaeletšano ya inthanete.
- Go hlabolla bokgoni bja kgwebo bja borakgwebopotlana ba Wi-Fi bao ba gwebago ka tša tlhaeletšano.
- Go bopa Wi-Fi- ya mang le mang yeo maikemišetšo e lego go fokotša theko, ge nako e le gare e tšwela pele.
- Go neelana ka bokgoni le ditirelo tše di kgontšhago setšhaba go bega bosenyi le ditaba tše dingwe tše di se amago.

- Go hlama thekgo ya borakgwebopotlana ye e ithekgilego ka phihlelelo ya Wi-Fi.

Mokhatlo o tla thwala moabi wa ditirelo tša inthanete ya moyeng go dira mošomo. Mafelwana a go kgokaganya inthanete a tla hlongwa mafelong a itšeng a ikgethileng mo Lekgotla le šomelago gona gore metse mabapi e fihlelele inthanete ye. Mafelwana a kgokaganyo ao a lebeletšwego ke dikolo, dikliniki, dikago tša pušo, mabenkele a diphaza le mafelo a dikopano. Theko ya didatha ya go tlaleletša e tlo ba R5 ka letšatši, sedirišwa se tee go amogela inthanete ye e bulegilego. Theko ye ya R5 e tlo dirišetšwa go lefelela ditshenyagalelo ka moka tša kabo ye ya inthanete le mo e kgokaganywago gona. Lefelo le lengwe le lengwe la kgokaganyo le tla fana ka kikapaete e tee ka kgwedi go sedirišwa se sengwe le se sengwe. Kabelo ya dikgokaganyo tša thuto e tla ba ya mphiwafela.

